



Músico, escritor, locutor, produtor e unha multitude de oficios vencellados á comunicación enxoian a traxectoria de Xurxo Manuel Souto Eiroa (Galicia, 1966), protagonista da vindeira TERTULIA do IEM. O arqueólogo Xosé Lois Vilar será o encargado de presentar ao convidado este venres 12 de decembro ás 20:30 horas, na Aula de Cultura Ponte de Rosas (Avenida da Feira Nº10, baixo, Gondomar).

Tamén como é tradicional, despois do acto aberto ao público en xeral haberá unha cea coa persoa convidada que terá lugar no Pazo da Escola de Mañufe Gondomar á que se poderá asistir facendo a correspondente reserva de praza no teléfono 986 360 575 ou ben no correo electrónico oficina@minhor.org .

Na música e nos medios

Licenciado en Filoloxía Clásica, acadou soña como líder e vocalista da banda bravú "Os Diplomáticos de Monte-Alto" entre 1990 e 2001, e polo seu labor de difusión da música galega de agora e sempre en diversos espazos radiais e como subdirector de programación da Radio Galega (2005-2009). Outra das súas facetas a destacar é a de escritor. Ademais de ter cinco libros publicados, ten colaborado con artigos en diferentes publicacións, como a revista Bravú.

Dende 1986 comezou a traballar en diversos programas de radio en galego, sendo o máis coñecido e lonxevo **A tropa da tralla**, xunto a **Aberto por reformas** e **Mil ribeiras**, na Radio Galega. En outubro de 2003 participou, xunto con Manuel Rivas, na reinauguración da emisora comunitaria Cuac FM (A Coruña), da que ambos se converteron en padriños e socios de honra. Recentemente formou o grupo musical "Os 3 Trebóns", onde se encarga da voz e mais do acordeón. Tamén traballou como actor en producións galegas como a serie de éxito **Mareas**

Escrito por Redaccion @valminorinfo
Xoves, 11 Decembro 2014 00:47

vivas ou o telefilme

Entre bateas

, de Jorge Coira.

Narrativa

En 1995 comezou a publicar na Editorial Xerais as súas series de relatos *A tralla e a arroutada* (1995),

Fumareu

(1997)

Contos da Coruña

(recompilación de artigos, 2001)

Tres trebóns

(2005) e o recente

Contos do mar de Irlanda

(2014). Na mesma casa editorial publicou en 1999 a novela

O retorno dos homes mariños

.